

# Powšitkowne WOZJEWJENJA

njedźelu, 1. septembra 2013

## Wopomnjenski nyšpor za Michała Hórnik

Towarstwo Cyrila a Metoda z.t. (TCM) přeprašuje wěriwych ze wšitkich wosadow na wopominanje 180. posmjertnych narodnin přenjeho redaktora Katolskeho Posoła Michała Hórnik do Worklec. Swjedźenski nyšpor budže njedźelu, 1. septembra, w 15 hodź. a zahaji so z wopomnjenjom wótcinca při pomniku. Z tutej Božej službu zakónča so zdobom jubilejne zarjadowanja skladnostnje 150lětneho wobstaća TCM a 150. róčnicy přenjeho wudaća Katolskeho Posoła. Nyšporej při kapałce přizamknje so tam swačina. W Serbskej wyšej šuli „Michał Hórnik“ budže pućowanska wustajeńca k stawiznam TCM natwarjena, kotruž móža sej wšitcy zajimcy wobhladać.

## Duchowna hudźba w tachantskej cyrkwi

W rjedže duchowneje hudźby w Budyskej tachantskej cyrkwi swjateho Pětra wotměje so njedźelu, 1. septembra, we 18 hodź. poslednje zarjadowanje tutoho razu do dwulětneje wobšěrnej renowacije Božeho domu. Sabine a Klemens Kowollik (fleta a trompeta) zahrajetaj zhromadnje z tachantskim kantorom Friedemannom Böhme wotměnjawy program z baroknymi a jazzowymi zwukami. Wšitcy su wutrobnje přeprašeni. Zastup je darmotny.

## Zetkanje putnikow do Krupki

Wšitcy, kotřiž su lětsa do Krupki putnikowali, su přeprašeni na zhromadny wječor. Zetkanje wotměje so pjatk, 6. septembra, po wječornych kemšach w Chrósćicach na farje. Boža mša je w 19 hodź. Za wšitkich putnikow budže wječor spřihotowana.

## Zhromadny dzeń za 1. a 2. lětnik

Na zhromadny dzeń přeprašuje Dekanatne dušepastyrstwo džěci 1. a 2. lětnika sobotu, 14. septembra, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 10. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk we wysokosci třoch eurow.

## Zetkanje samostejacych

Samostejacy ze serbskich wosadow kaž tež dalši zajimcy su sobotu, 21. septembra, w 14 hodź. do Domu biskopa Bena w Smochćicach přeprašeni. Zajimcy njech so hač do pjatka, 13. septembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

## Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže njedźelu, 29. septembra, w 14 hodź. w Chrósćicach na luce při Hatkach.

## Serbski swjedzeń we Wuježku

Serbske ewangelske towarstwo přepróšuje sobotu, 7. septembra, na swójbne pućowanje do Wuježka pod Čornobohom. W 13.00 hodž. je zetkanje pola Krygarjec (čísło 31A) we Wuježku abo w 13.15 hodž. na parkowanišću mjez Splóskom a Schönbergom. Wottam póndže pěši přez Hromadnik a Čertowe wokno na Čornobóh a wróćo do Wuježka, za což su krutych črije a dołhe chowolow trěbne. Při Čertowym woknje čaka mała překwapjenka na džěci. Po puću njech so kóždy sam ze swojeho nachribjetnika zastara.

W 17.00 hodž. budže nutnosť ze superintendentom Janom Malinkom na Pawlikec/Dejkec statoku we Wuježku. Wot 17.30 hodž. poskići chór Łužyca z Delnjeje Łužicy swój program. Po tym zahraja džěci dźiwadłoweje skupiny Bratrowstwa hru „Woda žiwjenja“.

Přizamknje so wječer. W bróžni budže bifej natwarjeny. Štóž chce něšto k bifejej přinošować abo dwór sobu přihotować, njech so prošu přizjewi – telefonisce pod čísłom (03 59 39) 8 05 02 abo z mejlku na [mato.krygar@web.de](mailto:mato.krygar@web.de). Kóždy pomoc je witana.

Přepróšeni su tež wšitcy, kotřiž chcedža hakle na nutnosť abo program přińć. Štóž trjeba transport, njech so prošu tež přizjewi. W 16.30 hodž. wotjědže bus we Wuježku pola Wósporka, mjez druhim pojedže na Njehorń, Rodecy, Koporcy a Bukeycy do Wuježka pod Čornobohom.

W mjenje Serbskeho ewangelskeho towarstwa  
swójbna Krygarjec z Wuježka